

लईका मन बर बाईबिल
प्रस्तुत करत हवे।



कलीसिया के जनम



लिखे गए हवे। : Edward Hughes
उत्साह बढ़ै गए हवे। : Janie Forest
चयन करे गए हवे। : Ruth Klassen
अनुवाद करे गए हवे। : मधुलिका महतो
बनाए गए हवे। : Bible for Children
www.M1914.org

BFC
PO Box 3
Winnipeg, MB R3C 2G1
Canada

©2015 Bible for Children, Inc.

लाईसेंस : आप मन करा इ कथा ल छापे बर अऊ नकल करे के अधिकार
तभे तक हे जब तक आप मन एला बेचिहा नाही।



जब यीशु के मउत हो गिस तब, ओकर संग चलोइया लुका गिन। यीशु मरे होय म ले जी उठे के पाछु, अपन चेला मन के आघु परगट होईस। यीशु जियत रहिस। लेकिन यीशु तेउन मन ला छोड़े के योजना बनाईस ताकि ओहा वापिस स्वरग म जाय सके जिहाँ ओहा सब्बो दिन भगवान, अपन ददा के संग म रहत रहिस।





यीशु, उँहा
ले जाय ले
आघु, चेलामन,
संग रेंगोइया मन
ला वादा करिस की
ओहा उंकर मदद बर भगवान के
आतमा ला भेजही। (युहन्ना 15:26)

घड़ी लकठा आईस। कुछु दिन के पाछु तेउन मन ला
छोड़ दिस, अउ तब भगवान पबितर आतमा आईस।



येहा इ रकम ले घटित होइस । यीशु के संग रेंगोइया म ले लगभग
120 अनुयायी एक ठन घर म एक संग पराथना करत रहिन ।
अचानक, घर हा एक सक्तिशाली तेज हवा
के सोर ले भर गिस ।



आगि के फाटे लपटा जम्मो मनखे उपर रूकीस। ओमन सब्बो इन
पबितर आतमा म भर गिन-ठीक वइसनेच जइसनेच
यीशु मसीह हा वादा करे रहिस।



डहर म बाहिर यीशु के अनुयायी मन दुसर-दुसर भाषा बोलिन जोन
ला ओमन कभु नई सीखय रहिन। यरूसलेम म आय बिदेशी मनखे
मन चेला मन के ऐहि कतेक भाषा म भगवान के अचचका बुता के
बारे म गोठ सुनिन। पहुना मन चकचकाय रहिन।

“ऐखर मतलब का
हो सकत हे ?”

ओमन पुछिन।

दुसर मन


हाँसी उड़ाईन

“ओमन सब्बो

झन नावा

दारू पिये

हावय।”



पतरस हा कहिस, "ये मन सब्बो निसा म नई हे ... ऐखर बारे म
योएल नबी हा येहा कहय रहिस ..." पतरास हा फेर तेउन मन ला,
अड़बड़ बछर आघु के भविष्यबानी
ला ओमन ला सुरथा देवाइस,
भगवान हा वादा करय
रहिस की पबितर
आतमा मनखे
मन के मदद
करे अउ
आसीस
देहे बर
आहि ।




परतस हा ओमन ला अपन पाप ले पसचाताप करे अउ ईसु मसीह के नाव ले बपतिसभा मनखे मन ला बताईस "... अउ तुमन जम्मो पबितर आतमा के दान पाइहा," पतरस हा कहिस। लगभग 3000 मनखे मन आग्या, मानीन येमन भगत के रूप म चेला मन के संग


सामील हो गिन। बेरा बीतय ले, जादा ले जादा मनखे मन भगवान के कलीसिया म जुरत गिन जम्मे ला भगवान हा पबितर आतमा आय के दिन शुरू करे रहिस।

3000



पबितर आतमा हा मनखे मन के जिनगी
भगवान के सक्ती ला लानीस । एक
दिन, पतरस अउ युहन्ना पराथना के
बेरा म एके संग मनदिर म गईन । एक
ठन लेंगड़ा भिखमंगा मनदिर के मुंहटा
के बाहिर म बइठे रहिस । ओहा पतरस
अउ युहन्ना ले पइसा पाय के भरोसा
ले भीख मांगीस ।







तब पतरस हा कहिस, "तोला देहे बर मोर करा सोना अउ चांदी तो नई हे, लेकिन जोन हे ओ मय तोला देत हवः यीशु नासरी के नाव ले, उठ अउ रेंग बुल," अउ ओहा जउनी हाथ म लिस अउ ओला उपर उठाइस तब ओहा, उपर उदक के ठाढ़ होइस अउ नरीयाय लागीस—ओहा उंकर संग मनदिर म धुसरिस अउ भगवान के गुनगान करीस ।



चमतकार ला देखके
चकचकाय एक ठन
बड़खा भीड़ जुर गे।
पतरस हा तेउन मनला
येहा बताईस की अपाहिज
आदमी ला भगवान के
सक्ती हा चंगा करिस हे
ओहा मोर सक्ती ले नई
होइस।



जब पतरस हा यहुदीमन
ला सुरथा देवाइस की भगवान
हा यीशु ला मरे हुवय मले
जियाइस हे, तब मनदिर के
अगुवा मन जंगाके पतरस अउ
युहन्ना ला जपत करके जेल म
डार दिन। हालांकि, लगभग
5000 मनखे मन यीशु म
बिश्वास करिन।



दुसर दिन पतरस अउ युहन्ना मनदिर के शासक के आघु म ठाढ़ होइन। शासक मन पुछिन, "कोन सक्ती द्वारा या कोन नाव ले तय हा येहा करे हावस?" पबितर आतमा ले भरके, पतरस हा बहादुरी ले जुआब दिस।



“... नासरत के यीशु मसीह के नाव ले,
जोनला तुमन कुरुस म चघाया, जेन ला
भगवान हा मरय न ले जियाइस, ओखरे
नाव के कारन में आदमी हा चंगा तुहर
आघु म ठाढ़े हावय।”





परतस, बेधड़क बोलय ला जारी रखिस “... स्वरग अउ धरती के माझा म हमन ला कोन्हो अउ दुसर नाव नई देहे गय हे जेखर ले हमन उद्धार पाय सकन।” मनखे मन यीशु म बिश्वास नई करय, शासक मन गमभीर रूप म पतरस अउ युहन्ना ला धमकी दीन।
“अब ले तुमन यीशु के नाव ले कोन्हो ले गोठ झन करिहा।”





परतस एक घा
यीशु के नाव के
कारन ठाढ़ होय
बर डरा गय
रहिस । लेकिन
ओहा पबितर
आतमा ले आघु
के गोठ रहिस ।
अब ओला कोन्हो
डराय नई सकत
रहिन ।






परतस अउ युहन्ना हा जुआब
दिस, "का येहा भगवान
के नजर म सित्तो हे
कि हमन भगवान ला
सुने ले जादा तुहर
गोठ ला सुनन अउ
पालन करन, तुमन
अपनेच नियाय कर
लेवय । लेकिन हमन
जोन देखे अउ सुने
हन, ओ गोठ ला
बताय बंद नई कर
सकत हव ।"



जादा धमकाय के
पाछु, शासक मन
पतरस अउ युहन्ना
ला छोड़ दिस,
भगवान के बहादुर
सेवक मन सब्बो जेल
अउ अदालत मन के
बारे म अपन संगी मन
ला बताइन। तब ओमन
एक ठन बड़खा पराथना
अउ बंदना संगति के
आयोजन करीन।



फेर भगवान के
पबितर आतमा
के सक्ती हा
अपन मनखे मन
ला भरिस—अउ
ओही बेरा नावा
कलीसीया के
इसथापना होइस
जोन हा बाढ़त
अउ बाढ़त
चल दिस ।



कलीसिया के जनम

इ कथा हर भगवान के बचन के द्वारा एक ठी बाईबिल


पाए जाथे ।

परेरित मन के बुता 1-4

"आप मन कर बानी हर एला अंजोर देथे ।"

भजन संहिता ११९ : १३०





समाप्त ।



बाइबल के कहानी हा हमन ला हमर महान भगवान के बारे में बता थे। जेनहा हमन के रचना करे हावे अऊ जिनह ये चाहथे कि हामन ओला जानन।

भगवान ला पता है कि हामन गलत काम करे हन जेन ला ओहर पाप कहिथे। पाप करे के सजा मौत हावे, पर भगवान हा हमन ले बहुत प्यार करथे कि ओहर अपन अकेल्ला बेटा ईशु मसीह ला क्रूश में मरे बर अऊ हमर पाप के सजा पाए बर भेजीस। ओखर बाद इशु मसीह के फेर से जनम होथे अऊ ओहर घर ले स्वर्ग मा चल देथे। अगर तुमन ईशु मसीह मा भरोसा करथव अऊ अपन पाप बर माफी मांगथव ता ओहर जरूर माफ कर दीही। वो हर जरूर आही अऊ तुमन के भीतरी मा अभी रहिही, अऊ तुमन ओखर संग मा हमेशा बर रहिया।

अगर तुमन विश्वास करथव कि इही हर स चहे, त भगवान ले येला कहव प्रिय ईशु, मैं विश्वास करथव कि अप मन भगवान हव अऊ मोर पाप के सेतर मरे बर मनुष्य बनेव अऊ आप हर फेर से जिवित हव। दया करके मोर जिंदगी में आवव अऊ मोर पाप ला क्षमा करव, ताकि मैं हा नवा जीवन ला पा सकंव अऊ एक दिन हमेशा बर आप मन के संग जा सकंव। मोला मदद करव ताकि मैं आप मन के हर आज्ञा के पालन कर सकंव अऊ आप मन के बेटा बन के आप मन बर जिये सकंव। आमीन।

बाइबल ला पढ़व अऊ भगवान से रोज बात करव !

